

ikapaw o niapoan

niononongan da no dehdeh am, no karowan rana o niapoan rana am, katepsan ra na, kaikapaw no niapoan. masaray macilovot a miwalawalam do iniapoan. ya malahet ononed ko, no ko jiasta o niapoan ko. yamanehed o ciringngeri.

nakmen no ka pivatvateh ko do pongso am, ori pa kakaro ko do niapoan ko, komaro ko do likey a gako am, mivatvatek ko rana do kocyong, mamiming o kanakan a mitkeh do gako, no manet rana mivatvatek so kalima araw do gako am, ka angay rana moli do vahey, a ka pacilovot do niapoan, ori ikasaray no onononed ko.

komaro ko do likey a gako am, ononongan na no niapoan ko, makapya ka so kataotao do kakarang no likey a gako. no kanang am, maniahey ko. teyka rana mivatvatek do kasaraw am, pilovoten da yamen no singsi, a ka panci na do jino o itkehan. mitkeh namen rana am, ji ko makaitkeh, ta ikapaw o niapoan ko, a to ko lavi a ikapaw o niapoan ko. naknakmen ko dang am, makongo malalayo do vahey namen, am ya na ji ahep rana, ori ikaniahey ko. ka to ko ngapaoan so niapoan ko do mahep. o ri pa ikatepsan ko, panci da no tao, ikapaw o niapoan.

ikapaw o niapoan do ikadoa am, mapo do komaro do a likey a gako kano si ज्याiko ya. no kakaro ko do kocyong am, yamian rana so makarkarang do kocyong a gako do pongso, am ji ko ni mivatvathek do pongso, nimangay ko do Taiwan a mivatvatek do makarkarang a gako.

mangay ko rana do Taiwan a mivatvatek am, o iniapoan ko, minda no ka pasakain da jiaken do sikoki. no kanang na am, marahet o ononed ko. ta to ko apawan o niapown ko. amian ko do sikoki rana am, astahen ko o niapoan ko am, amian pa o iniapaon ko do piwalawalam da, to da citaha ni somalap a sikoki, yaken na am, to ko lavi do sikoki, ta ikapaw ko o niapoan ko. naknakmen ko am, simango ra an, ka pakacita ko so niapoan ko. ori ikadoa na no ikapawon ko do niapoan ko.

yamian so ciriciring ko ipanci do niapoan ko, mo ama, mo ina, makapiapia kamo so kataotao, ji nio azababan yaken so ononed no nakem, ta ko katenngan apzatan o kataotao ko.

(文章大意 僅供參考) ※字數限 200 字

思念

臺灣光復至民 78 年間，蘭嶼設有 1 所國中、4 所小學，週六放學；國中階段，全體住宿，週日收假。國中學子與父母短暫相聚，聚後離別—「思念」家人，初離家學生，「思念」於夜。

第一次「思念」離別後的夜。國中學習階段，夜晚，盡是浮現父母溫馨陪伴，淚水如雨悄然，無盡夜，無盡「思念」第二次「思念」深刻長久。乘飛機離鄉，俯視父母身影，距離帶來模糊感，愈模糊，愈思念。離別年後方聚，「思念」悸動，淚水不止。

pananadenagn

o vahavahey no Tao do pongso nokakoa pa am, adan a vahey a ka no makarang a ka no tagakal. no meyvahey a mamaring sira so vahey

o Tao am, mapatanek sira so rarako a vato do inaorod da a pananadengan da. no moli sira nimapo do takey a nimateyka rana nikoman am, mangey sira meywalam do inaorod a manadeng do pananadengan. no amyan so mangey maciwalam jira a tao am, to sira macilisna do inaorod a manadeng do pananadengan a mangonongonong.

o tatasa a ka tao am, no mapatanek sira do inaorod so rarako a vato a pananadengan da am, mangap sira so itoyotoyon da sya a manok nojia anak no korang a irarala da so pananadengan, toyotoyonen da sira asa a ka vahey a mapintek so kataotao a manadeng do pananadengan da.

no abo o pananadengan do vahey am, akmey abo rana o mapeyvahey sya, no abo rana do karawan o mavakes am, azkemen da o maciminket do kaozi. akman sang, ta no komaro do karawan o mahahey am, azkemen da o maciminket do kawatan a pananadengan.

o tatasa a ka vahey am, atlo nojia apat o vato a pataneken da, o agazan no akman sang am, katenngan a tao sira do kavavahey da a aro so

kanekanen a ka no vinviniay da, ori o patnekan da so rarako a vato a pananadengan da.

ikadoa na am, no meysinmo do vahey o tao am, todaji ngamowga o ka aro no sivovoong da, ori o patanekan da so ikatlo na a vato a pananadengan da. siciaikoa ya am, ya toda balinas rana, ta ya mamaring rana sira so inicik a vahey da, ori o na ikabo rana no rako a inaorod do kavahayan.

o ji nimapapapen pa a tao am, ji mapatanek so pananadengan do inaorod. nokakoa pa am, no mateyka sira a koman am, meywalam sira do inaorod a manmama manadeng do pananadengan. siciaikoa ya am, ya beywan rana ori, ta ya rana to meypapereh, a ya todabo rana o akman sya icicirawat no Tao do pongso.

inaoy pa nokakoa syo, a ipakacita so mawalawalam do inaorod, a manadeng do pananadengan da no miciavakavahayan, a mangey da kawalawalaman no mizipozipos.

(文章大意 僅供參考) ※字數限 200 字

靠背石

傳統住屋，為主屋、高屋、涼亭。族人蓋房子時，庭院裡則會豎立靠背石。如果家裡沒有靠背石，就像沒有人住在這個家一樣，若男女主人過世，會將靠背石倒下。有些家庭，有三個靠背石，象徵有權有勢的家庭。還有個原因是希望繁衍多子多孫，現在，已鮮少看到有大庭院豎立靠背石。沒有成家者，庭院裡則不可以豎立靠背石。

以前全家人吃飽後，會在庭院中依著靠背石休息、聊天，現在靠背石這種傳統文化習俗在部落已逐漸減少甚至消失。